

Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. I. De Obligatione filiorum erga Parentes.

urn:nbn:de:hbz:466:1-40673

Q U A E S T I O XI.

De quarto Decalogi Præcepto

Honorandi Parentes.

Explanatis præceptis primæ tabulæ, quæ ad Dei dilectionem, & cultum spectant, descendimus ad præcepta secundæ tabulæ, quæ pertinent ad proximi bonum, & amorem. Quia tamen inter proximos parentes sunt proximiores, ideo primum præceptum hujus tabulæ (Exod. 20.) est, *Honor patrem tuum, & matrem tuam, & eris longævus super terram.*

Nomine autem Parentum veniunt etiam omnes, qui carnis cognatione conjuncti sunt, ut Avi, Fratres, Patrui, Conjuges, necnon Superiores tam facultares, quam Ecclesiastici, & ii, qui pro nobis curam gerunt, ut tutores, magistri, procuratores. Quare primo agendum de obligatione filiorum erga parentes. Secundo, de obligatione parentum erga filios. Tertio, de obligatione conjugum ad invicem, necnon de obligatione servorum, & subditorum erga dominos, & alios superiores.

ARTICULUS I.

De Obligatione filiorum erga parentes.

I. *Fili Parentibus debent Amorem, Reverentiam, Obedientiam, & Subventionem.*

II. *Amor Parentibus debitus consistit in fuga odii, & in exhibitione signorum amoris; necnon in dilectione interna, & formalis.*

III. *Reverentia Parentibus debita quid ferat? Et quando ab ea filii debilientur?*

IV. *Quandonam graviter peccent filii non obtemperando Parentibus?*

V. *In iis, qua pertinent ad vitæ statum, tenentur filii consulere Parentes, quamvis non teneantur deinde eorum consilium sequi.*

VI. *Tenentur filii Parentibus subvenire tam in necessitatibus spiritualibus, quam in temporalibus.*

Pars II.

VII. *In gravi necessitate Parentum tenentur filii abstinere ab ingressu in Religionem; necnon in extrema fratribus, aut sororum. At egredi e Religione tenentur solum in extrema Parentum necessitate.*

VIII. *Eodem modo Parentes tenentur ab ingressu in Religionem abstinere in gravi necessitate filiorum, & in extrema egredi.*

I. **I**N quatuor consistit talis obligatio, seu honor parentibus, videlicet in Amore, Reverentia, Obedientia, & Subventione tam in spiritualibus, quam in temporalibus. Quare primo filii tenentur amare præ omnibus aliis Parentes, quamvis non præ Deo; Nam Luca 14. dicitur, *Si quis uenire ad me, & non odire patrem suum, & matrem, non potest mens esse discipulas.* Secundo, tenentur revereri illos reverentia interiori simul, & exteriori. Tertio, obedire, (quando tamen non præcipiant aliquod contra bonos mo-

X res,

res, & salutem animæ) verbi gratia si illis præcipiant vitare pravas amicitias, relinquere lidos prohibitos, &c. Demum subvenire in omnibus eorum necessitatibus.

II. Quæritur nunc primo; In quænam consistat amor a filiis debitus erga Parentes?

Respondeo, consistere in fuga odii, & in exhibitione signorum amoris. Unde peccant mortaliter primo, si illos odio prosequantur, aut si malum illis grave excogitent, verbi gratia mortem, ut potiantur hæreditate, aut ut liberentur eorum vexationibus, etiam si id desiderent non ut malum patris, sed ut bonum cupientis, ut loquitur Innoc. XI. in propos. 4. damnata; qui etiam damnavit propos. 15., quæ dicit: *Licitum est filio gaudere de parricidio parentis a se in ebrietate perpetrato proprie ingentes divitias inde ex hæreditate consecutas.* Secundo, peccat etiam graviter, qui torvis oculis fere semper parentes intuctur, & ita aspere alloquitur, ac si odio haberet; quamvis illos interius diligat. Præterea sicut tenemur diligere proximum actu interno, & formali, ut constat ex thesi decima ab Innocentio Undecimo confixa, quæ habet: *Non tenemur diligere proximum actu interno, & formali, ita a fortiori tenemur sic Parentes etiam diligere.*

III. Quæritur secundo; Quænam reverentia Parentibus debeatur?

Respondeo, non solum interiorem per recognitionem subjectionis erga illos, & timorem quandam filialem, sed etiam exteriorem verbis, & aliis signis, verbi gratia honorifice loquendo de illis, non detrahendo, caput aperiendo, famulando, ac damna impediendo. Hinc etiam peccant mortaliter, qui maledicta, convicia animo deliberato, & contumelias in parentes etiam mortuos conjiciunt, nisi excusentur ratione parvitatis materiae,

aut indeliberationis. Peccant etiam mortaliter, qui parentes passim increpat, aspere, & dure tractant, & illos in magnam iram provocant, etiamsi re ipsa illi non indignentur; Et qui illos percutit, aut manus elevat ad percutiendum, aut contemnit, nec vult parentes recognoscere (nisi forte sint infames, proditores, hæretici, &c. tunc enim propter bonum commune justa datur causa designationis) Peccat demum graviter filius, si parentem de aliquo crimine, et si vero, accuset; cum in omni lege prohibetur filiis accusare, vel testificari contra parentes; exceptis duobus casibus, scilicet Conjunctionis in Patriam ante crimen patratum, & hæresis, ut communiter docent contra Simacham ex Abulensi apud Trull.; potestque etiam filius agere contra parentem denegantem alimenta.

IV. Quæritur tertio; In quibusnam filius debeat obedire parentibus?

Respondeo, in omnibus, in quibus est subjectus, ita ut graviter peccet in materia gravi, & venialiter in re levi. Unde sequitur peccare graviter filium, qui patri aliquid circa bonos mores præcipienti non obedit, ut circa fugam pravarum amicitiarum, ludorum, nisi parvitas materiae excusat; quia pater tenetur filium bonis moribus imbuere: Peccat etiam graviter non obediendo in iis, quæ ad domesticam gubernationem spectant, si resistit gravis, ut notat Sanch. lib. 4. cap. 15. Notat tamen Bonac. hic, quod in re levi excusat etiam a veniali filius inobediens, si pater imperet aliquid non intendens obligare ad obedientiam sibi debita; cum præceptum non obliget ultra intentionem præcipientis; Et ideo in tractatu de Matrim. dicitur, quod uxor dengans viro debitum excusat a mortalitate vir benebole illud petat, & non ut sibi debitum ex justitia, seu non intentio-

tendens illam obligare ad reddendum sibi debitum.

V. In iis, quæ pertinent ad vitæ statum, non tenetur patri filius obedire, videlicet in materia religionis, aut matrimonii: Et hinc est, quod potest inscio patre statum assumere, si prævidat injuste sibi impediendum: Aliter tenetur ex reverentia debita illum monere, & consulere; quamvis non teneatur deinde ejus voluntatem sequi, nisi ducat indignam, aut malus ex digna timetur exitus, & scandalum; vel nisi multum expediret, quod ducat dignam, quam pater vult, puta quia cestabunt inimicitiae. Quamvis autem graviter peccet filia, (sicut etiam filius) quæ invito Patre vult nubere indigno, non eatus ex hæredari potest, ut fuse ostendit P. Andreas Zuccherius Societatis Jesu ex Molina, Sanch., & aliis in suis valde commendatis Decisionibus Pavonis de obligationibus Patrumfamilias Casu 2. Mensis Decembbris.

VI. Quæritur quarto; Quandonam filii teneantur subvenire parentibus?

Respondeo, in necessitate tam temporali, quam spirituali eos ad subveniendum teneri. Unde peccant graver filii primo, si non curent patrem in mortis articulo consiteri, & alia Sacramenta suscipere, aut si impedian, ne testamentum faciat, aut aliquid pauperibus in anima utilitatem eroget; faciunt enim contra præceptum succurrenti parentibus in spiritualibus. Secundo, si differant solutionem legatorum, & debitorum patris; fieri enim potest, ut notat Bonac., quod ex solutione legatorum a purgatorio ejus anima liberetur. Tertio, si parentum funus non celebrent pro viribus, nec curent corpora sepulturæ mandare, ac preces, & sacrificia pro illis fundere. Quarto, tenentur parentes alere, si non habeant, unde se possint honesta, ac decenti arte sustentare. Quinto, debent invicare parentes infirmos,

aut in carcere detentos, & eorum in columitati consulere.

VII. Dubium est, an filius teneatur e religione egredi, ut parentibus succurrat?

Respondeo, certum esse, quod teneatur ab ingressu religionis abstinere, dum parentes in gravi necessitate versantur; quia præceptum preferendum est consilio; gravis autem necessitas dicitur, si illi sine ope alterius non possent vivere absque notabili jactura sui status, & conditionis, verbi gratia si nobiles tenerentur mendicare, aut famulari; Et idem dicas, si talis necessitas non sit præsens, sed probabiliter sit futura, ut notat Sanch.; Quæ tamen intelligenda, modo filius manendo in saeculo non incurrat grave periculum salutis spiritualis; quilibet enim tenetur salutem spiritualem propriam temporali proximi præferre. Certum est etiam, solum pro extrema, non vero pro gravi necessitate fratum, sororum, aliorumque conjunctorum teneri sub mortali ab ingressu Religionis abstinere; quia magis stricte obligat præceptum subveniendi parentibus, quam aliis. Certum est tertio, teneri in his casibus filium e novitatu egredi, cum militet eadem ratio. Verum ad egrediendum e religione solum tenetur, quando necessitas parentum est extrema, non vero quando est gravis, ex Sanch. apud Bonac.: Tenetur quidem in necessitate extrema, nam si extraneus, verbi gratia, in putoem cadat, & solus religiosus subvenire possit, ad id tenetur etiam Prælato invito; ergo a fortiori si pater sit in extrema necessitate; Non tenetur tamen in gravi, quia res unius tradita non potest extra necessitatem extream illi auferri, & alteri tradi-

VIII. Quod diximus de filiis relate ad parentes existentes in necessitate, dicas de parentibus relate ad filios in eadem necessitate existentes. Quare

non possunt parentes ingredi religionem, si filii sint in gravi necessitate, aut non habeant necessaria ad educationem, quia parentibus incumbit illis providere: Tenentur vero e religione egredi in extrema necessitate filiorum, deferendo tamen habitum, & observando vota, & præcepta religionis eo modo, quo commode fieri potest; sublata vero necessitate extrema tenentur ad religionem regredi.

Demum in iis casibus, (de quibus articulo sequenti,) in quibus pater potest exhæredare, & alimentis privare filios, non tenentur filii patrem sustentare.

ARTICULUS II.

De Obligatione Parentum erga filios.

I. *Tenantur parentes bono spirituali, & temporali filiorum multipliciter proficere; & si ad eorum emendationem est necessarium, possunt percutere etiam in Sacris constitutos.*

II. *Mater solum teneat laetare, & educare filium usque ad tertium annum, nisi pater sit impotens ad alendum filium. In defeluum parentum tenentur Avi, deinde Avia. Si divites exponant filios Hospitali, tenentur huic expensas compensare.*

III. *Plurima causa a Doctoribus assignantur, ob quas potest Pater filium exhæredare.*

IV. *Si filia contra voluntatem Patris nubat indigno, non potest exhæredari.*

V. *Num Pater filio, quem exhæredare potest, teneatur alimenta prestare ad vitam sustentandam?*

VI. *Quid veniat nomine alimentorum, qua Pater tenetur filio prestare? Num teneatur etiam alere uxores filiorum, & filia spuria dotem confiducere?*

VII. *Obligatio, quam habent parentes alendi filios, transi ad hæredes; Sic-*

ut etiam si bona parentis donentur

Monasterio, aut addicantur fisco.

VIII. *Quinam debet filium alere, si debetur num sit filius Petri, an Pauli? Et Paterpatratus a Parete, an a filiis alendus est?*

I. **P**arentes jure naturæ tenentur cum filiorum gerere; Unde peccant graviter primo, si non carent, quantum in se est, ut præcepta Dei, & Ecclesiæ observent, a mortali saltem abstineant, & necessaria ad salutem addiscant, verbi gratia symbolum, orationem dominicam, &c. Secundo, ex Azor., & Reginald. si non faciant sumptus necessarios, ut filii studia literarum, aut artem aliquam addiscant, prout reliqui ejusdem conditionis facere solent. Tertio, si malo exemplo, & consiliis filios depravent, aut si non avertant occasionem peccandi, verbi gratia si permittant inter sponsum, & sponsam de futuro tactus impudicos; aut si filiabus permittant amatorem ad malum finem; Immo etiam si absque rationabili causa a bono revocent, ut ab ingressu in religionem, a votorum impletione, &c.; necnon si cogant ad matrimonium contrahendum; Et excommunicationem incurront latam a Trident. sess. 24. cap. 18. si filias cogant ad ingrediendum in religionem, vel ab ea retrahant vi, fraude, injuria.

Quarto, peccant etiam, si non obligant, aut castigant filios, quando id est necessarium ad eorum emendationem; possunt enim moderatae percutere etiam filium Clericum; & ex Bonac. contra Tolet. etiam in Sacris constitutum. Quinto, si non dent filiis etiam illegitimis, & adoptivis necessaria alimenta, & filiabus dotem; nisi tamen detur justa causa exhæredandi. & alimentis privandi. Demum, si non adhibeant saltem mediocrem diligentiam ad acquirendā bona, quibus